



**REPUBLIKA E SHQIPERISË
KOMISIONI QENDROR I ZGJEDHJEVE**

V E N D I M

PËR

DHËNIEN E MANDATIT TË DEPUTETIT TË KUVENDIT TË SHQIPËRISË, KANDIDATIT TË LISTËS SHUMEMËRORE TË PARTISË SOCIALISTE, QARKU TIRANË, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË

Komisioni Qendror i Zgjedhjeve në mbledhjen e datës 15.05.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me

Objekt: Për dhënien e mandatit të deputetit të Kuvendit të Shqipërisë, kandidatit të listës shumemërore të Partisë Socialiste, Qarku Tiranë, për plotësimin e vakancës së njoftuar nga Kuvendi i Shqipërisë, pas dorëheqjes nga mandati i deputetit, të z. Rakip Bajram Suli.

Kërkues: Kuvendi i Republikës së Shqipërisë.

Baza Ligjore: Neni 23, pika 1, germa "a", neni 164 pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar.

Komisioni Qendror i Zgjedhjeve pasi shqyrtoi dokumentacionin e paraqitur dhe dëgjoi diskutimet e përfaqësuesve të partive politike,

VËREN

Nëpërmjet shkresës nr. 1979/1 prot., datë 13.05.2018, drejtuar Komisionit Qendror të Zgjedhjeve, Sekretari i Përgjithshëm i Kuvendit z. Genci Gjonçaj, njofton krijimin e vakancës në Kuvendin e Shqipërisë, për shkak të përfundimit të parakohshëm të mandatit të deputetit të zonës zgjedhore, Qarku Tiranë.

Neni 164 i Kodit Zgjedhor përcakton se në rast të ndërprerjes së mandatit të deputetit, Kuvendi njofton Komisionin Qendror të Zgjedhjeve, për krijimin e vakancës në Kuvendin e Shqipërisë dhe Komisioni Qendror i Zgjedhjeve merr vendim për dhënien e mandatit, kandidatit të radhës në listën shumemërore, të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.



Nr. 347 i Vendimit Data 15.05.2019 e Vendimit Ora 11:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Socialiste, Qarku Tiranë, për plotësimin e vakancës së njoftuar nga Kuvendi i Shqipërisë

Komisioni Qendror i Zgjedhjeve me vendimin nr. 555, datë 26.07.2017, shpalli rezultatin përfundimtar të zgjedhjeve për Kuvendin e Shqipërisë datë 25.06.2017, si dhe miratoi listën emërore të deputetëve të zgjedhur për çdo subjekt për çdo zonë zgjedhore. Sipas vendimit të sipërcituar Partia Socialiste e Shqipërisë për zonën zgjedhore Qarku Tiranë, për zgjedhjet për Kuvendin e Shqipërisë të datës 25 Qershor 2017, ka fituar 18 (tetëmbëdhjetë) mandate dhe kandidatët fitues nga lista shumëmemërore e Partisë Socialiste, Qarku Tiranë, numri rendor 01 (një) znj. Elona Shpetim Hoxha/Gjebrea, numri rendor 02 (dy) z. Besnik Mitat Baraj, numri rendor 03 (tre) znj. Olta Anxhelo Xhaçka, numri rendor 04 (katër) znj. Blerina Guri Gjylameti, numri rendor 05 (pesë) z. Pandeli Sotir Majko, numri rendor 06 (gjashtë) z. Saimir Bashkim Tahiri, numri rendor 07 (shtatë) znj. Vasilika Llambi Hysi, numri rendor 08 (tetë) z. Ervin Alfred Bushati, numri rendor 09 (nëntë) znj. Ogerta Dhionis Manastirliu, numri rendor 10 (dhjetë) z. Fatmir Sezai Xhafaj, me numër rendor 11 (njëmbëdhjetë) z. Rakip Bajram Suli, numri rendor 12 (dymbëdhjetë) z. Arben Novruz Ahmetaj, numri rendor 13 (trembëdhjetë) z. Xhemal Myslim Qefalia, numri rendor 14 (katërmbëdhjetë) z. Sadri Ismail Abazi, numri rendor 15 (pesëmbëdhjetë) z. Ulsi Qerim Manja, numri rendor 16 (gjashtëmbëdhjetë) znj. Klotilda Fatmir Bushka, numri rendor 17 (shtatëmbëdhjetë) z. Sadi Mehdi Vorpsi, numri rendor 18 (tetëmbëdhjetë) z. Arben Servet Pëllumbi.

Komisioni Qendror i Zgjedhjeve me vendimin nr. 24 datë 11.05.2018, ka vendosur t'i japë mandatin e deputetit z. Spartak Ibrahim Braho, për zëvendësimin e vakancës së krijuar nga z. Saimir Bshkim Tahiri.

Rezultoni se lista shumëmemërore e Partisë Socialiste, Qarku Tiranë, i plotëson të gjitha kriteret e përcaktuara në nenin 67 të Kodit Zgjedhor, duke përfshirë dhe kriterin e gjinisë. Në këto kushte zëvendësimi i vakancës do të bëhet sipas përcaktimeve të nenit 164, pika 2, të Kodit Zgjedhor me kandidatin e radhës.

Në bazë të nenit 164, pika 2, e Kodit Zgjedhor, KQZ i ka kërkuar kandidatit vijues të listës shumëmemërore me numër rendor 20 (njëzetë), dorëzimin e formularit të vetëdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".

Me shkresën nr. 3575 prot., datë 14.05.2019, z. Eljo Kastriot Hysko, është njoftuar për dorëzimin e formularit të vetëdeklarimit sipas kërkesave të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".

Z. Eljo Kastriot Hysko, referuar ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", ka depozituar në Komisionin Qendror të Zgjedhjeve më datë 15.05.2019, formularin e vetëdeklarimit me numër unik 5264.

Nga verifikimi i të dhënave në formularin e vetëdeklarimit, të z. Eljo Kastriot Hysko, rezultoni se: Nuk ka deklaruar dënime penale, urdhër kërkimi ndërkombëtar, dëbime.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreut V, pika 2, germa "b" dhe pikës 3, germa "c", të vendimit të Kuvendit nr. 17/2016 "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015", Komisioni Qendror i Zgjedhjeve, me shkresën nr. 3596 prot., datë 15.05.2019, ka kërkuar informacion nga zyra e gjendjes civile dhe me shkresën nr. 3595 prot., datë 15.05.2019, ka kërkuar informacion nga zyra e gjendjes gjyqësore, për kandidatin për Deputet, Qarku Tiranë, për Kuvendin e Shqipërisë, z. Eljo Kastriot Hysko, që ka dorëzuar formularin e vetëdeklarimit në Komisionin Qendror të Zgjedhjeve, si dhe ka bërë publikimin e formularit të vetëdeklarimit në faqen zyrtare të internetit.

Me shkresën nr. V-1499/1 prot., datë 15.05.2019, zyra e gjendjes gjyqësore ka dërguar në Komisionin Qendror të Zgjedhjeve, verifikimin e gjendjes gjyqësore për kandidatin për Deputet,



Nr. 347 i Vendimit Data 15.05.2019 e Vendimit Ora 11:00 e Vendimit

Për dhënien e mandatit të deputetit të Kuvendit kandidatit të radhës të listës shumëmemërore të Partisë Socialiste, Qarku Tiranë, për plotësimin e vakancës së njoftuar nga Kuvendi i Shqipërisë

Qarku Tiranë, për Kuvendin e Shqipërisë, z. Eljo Kastriot Hysko, sipas të cilës rezulton se është i padënuar nga gjykatat Shqiptare.

Drejtoria e Përgjithshme e Gjendjes Civile nuk ka kthyer ende përgjigje kërkesës tonë.

Nga verifikimi i të dhënave në formularin e vetëdeklarimit të z. Eljo Kastriot Hysko, rezulton se, nuk është deklaruar asnjë e dhënë që ka të bëjë me kushtet e ndalimit të zgjedhjes në funksionin e deputetit, sipas ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike".

Për sa më sipër, mandati i ndërprerë i përket kandidatit vijues nga gjinia më pak e përfaqësuar në listën shumemërore të Partisë Socialiste, në zonën zgjedhore, Qarku Tiranë, i renditur me numër rendor 20 (njëzetë), z. Eljo Kastriot Hysko.

PËR KËTO ARSYE:

Komisioni Qendror i Zgjedhjeve, mbështetur në nenin 23, pika 1, germa "a", neni 164 pika 2, të ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar,

VENDOSI:

- 1-** T'i japë mandatin e deputetit të Kuvendit të Republikës së Shqipërisë, kandidatit të radhës në listën shumemërore të Partisë Socialiste, Qarku Tiranë, z. z. Eljo Kastriot Hysko.
- 2-** Ky vendim hyn në fuqi menjëherë dhe botohet në Fletoren Zyrtare.
- 3-** Kundër këtij vendimi mund të bëhet ankim në Kolegjin Zgjedhor, pranë Gjykatës së Apelit Tiranë, brenda 5 (pesë) ditëve nga shpallja e këtij vendimi.

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare



Nr. 347 i Vendimit Data 15.05.2019 e Vendimit Ora 11:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Socialiste, Qarku Tiranë, për plotësimin e vakancës së njoftuar nga Kuvendi i Shqipërisë